

Dei Rechte un Protections Geeich Unverhoffti Medical Bills

Wann du Emergency Care grigscht odder wann du getriet watscht bei en Provider as net in dei Network is odder an en Blatz as in dei Network is, bischt du protect vun “surprise billing” odder “balance billing”.

Was is “balance billing” (alsemol “surprise billing” gheese)?

Wann du en Dockter odder en annrer Provider sehnscht, mechscht du certaini Koschte „aus der Sack” bezaahle (“out of pocket costs”) misse, so wie en Copayment, Coinsurance, odder eductible. Du mechscht annri Koschte aa hawwe odder die gans Bill bezaahle misse wann du en Provider sehnscht odder en Blatz bsuchscht as net in die Network vun dei Plaen.

“Out-of-network” meent Providers un Bletz as net gecontract sin mit dei Health Plaen fer Services provid-e. Out-of-Network Providers mechte erlaabt sei fer dich der Differs tschaertsche tswischisch was dei Plaen bezaahlt un die voll Amount fer en Service. Des heest mer “balance billing”. Des do Amount zellt andem heeher sei as die in-network Koschte fer der seem Service un mecht net zaehle geeich der Deductible odder der Limit as mer aus der Sack bezaahle muss.

“Surprise billing” meent en Balance Bill as unverhofft is. Des kann haeppe wann mer net controlle kann, wer an helfe is mit em sei Care, so wie wammer en Emergency hett odder wammer en Appointment hett an en Blatz as in dei Network is, awwer der Provider as dich triet is net in dei Network.

Du bischt protect vun Balance Billing fer:

Care as mer griege deet in en Emergency

Wann du in en Emergency bischt un deetscht Care griege vun en Provider odder en Blatz as net in dei Network is, including en Hospital odder en Ambulatory Surgery Center, is s’mentscht as

sie dich tschaertsche kenne die Cost-Sharing Amount vun dei Plaen fer in-network Sache. Selli sin Sache wie Copayments, Coinsurance, odder Deductibles. Du darfscht net gebillt sei fer die do Emergency Services. Des include aa Services as du griege kenntscht nochdem as du stable bischt, unni as du en Form signscht as saagt, du gebscht dei Protections uff fer ken Balance Bills griege fer die Services as post-stabilization sin.

Certaini Services an en Hospital odder Ambulatory Surgical Center as in dei Network is

Wann du Services grigscht vun en Blatz as in dei Network is, un sell kennt en Hospital odder en Ambulatory Surgical Center sei, kennt's haepene as deel Providers an schaffe datt net in dei Network sin. In so Cases deifde die Providers net meh tschaertsche as die in-network Cost-Sharing Amount in dei Plaen. Des do dutt applye zu Emergency Medicine, Anesthesia, Pathology, Radiology, Laboratory, Neonatology, Assistant Surgeon, Hospitalist, odder Intensivist Services. Die Providers darfe dich net balance-bille un darfe aa net dich froge fer dei Protections uffgewwe fer net gebalance-billed sei.

Wann due annri Sadde Services an die in-network Bletz grigscht, darfe Providers as net in dei Network sin net dich balance-bille, unni as du en uffgschriwweni Form signscht as saagt, du gebscht dei Protections uff.

Du bischt ken Zeit gfoddert fer dei Protections vun Balance Billing uffgewwe. Du bischt aa net gfoddert fer Care griege as net in dei Network is. Du darfscht en Provider odder Blatz choos-e as in die Network vun dei Plaen is.

Wann Balance Billing net erlaabt is, hoscht du die do Protections aa:

- Du bischt yuscht schuldich fer dei Schier vun die Koschte bezaahle (so wie die Copayments, Coinsurance, un Deductible as du bezaahle deetscht wann der Provider odder der Blatz in dei Network waer). Dei Health Plaen zellt ennichi annri Koschte directly bezaahle zu Providers un Bletz as net in dei Network sin.
- In menscht Cases misst dei Health Plaen:

- Emergency Services covere unni as du Permission fer selli Services ebdiehand griege musscht (sell heest mer “prior authorization”).
- Emergency Services covere as du grigscht vun Providers as net in dei Network sin.
- Ausfiggere was du schuldich bischt zu der Provider odder der Blatz (Cost Sharing) gebased uff was der Plaen en in-network Provider odder Blatz bezaahle deet un sell Amount weise in der Brief as sie dich schicke fer die Koschte auslege (“explanation of benefits”).
- Ennich ebbes was du bezaahlscht fer Emergency Services odder out-of-network Services zaehle geeich dei in-network Deductible un der Limit, wie viel as du bezaahle musscht aus der Sack.

Wann du meensch, du waarscht letz gebilled, darfscht du Billing Customer Service uffrufe an die 1-877-430-8495 odder 1-513-636-4427 un duh Option 9 picke.

Geh zu <https://www.cincinnatichildrens.org/patients/resources/billing> (yuscht in Englisch) fer meh Information weech dei Rechte unnich Federal-Lah.